

又由瑞士至蘇荷境止。我軍失去之地位。現已恢復。德人雖發重砲攻擊。亦不能將我地位奪回。同時德人又攻我第二山崗。亦為我軍擊退。在聖希北脫埠。兩軍猛戰。至徒手相搏。至於聖米希路埠之德軍。欲搭橋渡過苗士河。為我軍擊破之。無法渡過。是日為德皇五十五歲壽辰。德軍之活動。如何尚未知。然察其情形。彼欲由最近兩日間。有許多方受其攻擊。佔領一二地方。作為祝賀禮物。故前兩日德軍在各處猛攻我聯軍。沿拉巴士運河。其鋒不可當。猛攻英軍。在古拉安尼省戰線之南。又猛攻法兵。是日接德法兩軍官場消息。德皇壽辰。前一日。近古拉安尼省地方。德軍獲一勝仗。戰敗法軍。而法軍戰務局自認聖壕已失。其後亦奪回云。

德皇太子之言論 ▲約紐函云 德皇太子於法境軍營中接見美國聯合報代表。該代表時與德軍同駐法境。接見時。德皇儲乃發為以下之言論云。近世紀中最無謂最無意識之戰莫此大之歐戰。若予今參掌軍事。固不敢妄談政治。予惟知德軍今方力戰。以圖自存。而在敵國軍隊。則固亦自以為彼等之奮戰。乃所以保全其國也。世亦有以我國前此之急急備戰相讓者。然予敢謂我國備戰。乃因預知有今日之禍。而先為之防。固非開疆拓土之心也。我等惟知抵抗敵國之陰謀。保全國家之疆土。使山河帶礪。國宇永甯。乃為我輩軍人之天職。彼敵國既布其羅網。以迫辱我德。我德自不得不預為之備。而挫敗之。願今敵人乃以我國之預防侵擾。為有奸戰之雄心。遂謂今日之戰。即由此起。抑何其謬妄之甚也。今敵人方鼓其如簧之舌。煽惑世人。俾世界各國咸知罪魁禍首屬我德人。今日之戰。當由德人負其責任。而聞者不察。靡然信之。予知今日世界各國。必藉以爲德實此輩端也。而豈知今日之戰。乃固由于敵人之陰謀詭計。欲藉此以破壞德國政治法律。而奴戮我德國之人民乎。我德人今日之所以同仇敵愾。誓願犧牲一身。戮力以禦敵者。亦正以此德太子繼乃聲言此戰之責。當由英人負之。且致德於德國赴戰之真情。乃不為美國及他中立國所悉。未乃曰。使如英言予已被傷數次矣。而今固猶儼然無恙也。太子每言及法軍。輒深讚其智勇。謂不在德軍之下。且其舉動敏捷。猶不可及。惟曰法軍似長於守。而不善於攻。是故一取攻勢。即乏堅決忍耐之力。亦其一短也。至于法軍司令。則皆武勇足稱云。

本埠新聞
欲保小販營業者請看告示
駐雲高華領事林 示
為曉諭事。照得本埠市政府。近欲藉取締小販名義。而抵制華人之販賣瓜菜魚鮮等件者。關係我僑民生計極大。亟應合謀對待。以期撲滅。經於本月十三日晚。在案。現為期已迫。尚未聞我華僑有何舉動。殊深焦灼。本署開手辦法。應先動運居民具稟反對。因即就商律師。擬一稟稿。謂市政府此舉。極為居民所不便。託人分途請求簽名。以

為律師辯駁之張本。此項稟稿。業已繕就百數十通。當以百份交與律師及販賣瓜菜者。從速照辦。惟此數。尚恐不足。為此曉諭各僑民知悉。無論會館商會及個人之有公益心者。均可來署領取一份。託請友人簽字。以期多多益善。并限三十一號以前呈繳前來。俾資辦理。其各知照。切切特示。
中華民國四年一月 示

中國基督教會喬遷
本埠華人完全創立之中國基督教會。已屆兩週年。現由李隨西二樓遷出。在片打街東二百五十八號。即舊美源號店。該舖深一百二十尺。非常光朗。於此開設英漢文館。最為得地云。

加屬新聞
果有飛機至威令埠耶
威令廿七日電 本處及錦碌埠之人民。近頃甚為激動。昨晚有人於空中見飛機一。在奧近拉間湖上翱翔。該飛機由必杜蘭及芝辣里湖邊碼頭飛來。即該湖之西。時為午後六點三十分。正天氣晴朗。月朗如晝。飛機飛近湖面二百尺。似載有重物。旋即高飛。向西北方而去。當飛往錦碌未定。其時與近拉間湖及尼古拉華里。積雪甚白。該飛機用探燈向地面四射。故為人瞥見。此間大果園家哲拉理亦見之。隨即通電話於溫寧。錦碌及各埠。且該飛機見者甚多云。

各國新聞
華僑被逐之可憤
沙加細度埠天寶華。登列定埠電云。本埠自焚燬華埠。驅逐華人至今。已有廿五年。昨有某旅館主人。竟請華人胡三宗到當廚工。胡在本埠歇宿一宵。此為廿五來所未有。現有人盡力攻擊之。警察人員。甚恐發生暴動。查本埠及天李架。卓技等埠。均訂有埠例。不准華人到埠云。

承受生意股份
啓者委件地方之榮生園兼養豬雞牲口原日係北盛隆同興公司黃遠怡黃自生伍時最合股所創今日北盛隆同興公司黃遠怡等志圖別業願將名下股份全盤生意推與黃自生伍時最承受自今日交易之後所有園中什物牲口傢私一概歸與黃自生伍時最二人管業至退股各人有欠到唐番數目長兩係歸退股人自理與弟等無涉日後生意盈虧亦與退股人無干特此佈聞以免後論
民國四年正月廿八日 黃自生 伍時最 披露

承受生意股份
啓者亞板汝埠泰記生意原日係曾如煥福安俸傳恩光有記逢吉羅統傳贊合股所創今福安俸傳恩光逢吉羅統等志圖別業願將名下股份出項與人是以本股東人曾如煥有記傳贊與少廷等將全盤舖底架生什物數目一概承受經十月廿四號交易清楚日後生意盈虧與退股人無涉特此聲明以免後論
民國四年正月 泰記謹啓

實生號金銀首飾
啓者本號開張伊始專造金銀首飾時款花樣工美價廉童叟無欺諸君光顧請照上列西字函知定必依期付上無誤仰祈留心是盼舖在雲埠哥林比暗間幼門牌四百三十一號
寶生號良榮啓

恤款遺孤代鳴謝悃
敬啓者先兄健宗不幸于去年在雲埠身故毫無積蓄至醫院藥費與及身後葬儀均賴致公堂昆仲陳西堂兄弟集款始得完辦計蒙致公堂昆仲集款二百二十五元陳西堂兄弟集款一百元有奇醫院喪事諸費妥為除存之款已于本月十三號滙唐銀二百二十元附返港永昌隆李初煥兄收着交其妻收領似此深恩厚德存均感涕現歸國茲將其遺物帶回故謹登數言代為鳴謝
弟李運貴鞠躬
民國四年初春

妥收已故工人唐亞沐工銀
啓者弟有宗侄唐亞沐于民國二年二月內在尖尾利市板廠做工因傷斃命當日弟在入邊埠仔傭工不能親到官衙勸他賠償又無同宗兄弟在處早驗存案至去年十二月弟到雲埠呈請 林領憲代為起訴奈事經久延例已不合是以 領憲為追他補回當日工銀六一元七毛如數交與弟轉寄唐亞沐家人收領足見領憲辦事得手體恤僑民不獨唐沐家人沾恩即弟亦感德靡涯矣
民國四年正月廿號 唐正炎披露

本報製造通用信箋發客

片地珠市戲棚新戲
本院專辦觀美九名內有七名做新娘粧色另有九名女子併男子二名唱詩聲色可愛又有八名美國女子担傘跳舞唱詩另有男子辦黑人專演武藝十分超群在場觀者無不鼓掌贊美 此佈
Pantages Theatre 136 Hasting Street, E. Vancouver, B.C.

欲補身者須知
啓者弟在唐山專做發行藥材精究地道藥品現由唐山親自揀選辦來超等正色土木人參壯嫩北鹿茸份野山玉桂價甚相宜寓片打街同記棧門牌二百三十二號一問便知欲買好貨切勿失此機會
Hong Kee Jan 232 Pender St. Phone Sey. 292 VANCOUVER, B.C. 許禮崇披露

安保堂
BOW ON TONG CO.
13 PENDER STREET WEST Phone Sey. 4611 VANCOUVER, B.C.
參茸玉桂藥材
本堂自製膏丹丸散如下
參茸補血丸 治男婦血虛 精神不振 面色萎黃 心跳失眠 遺精白濁 經閉不調 產後失血 諸症服之立見奇效
滋陰補腎丸 治男婦腎虛 腰膝痠軟 頭暈目眩 耳鳴眼花 陽痿早洩 遺精滑精 婦女宮冷 諸症服之立見奇效
止咳化痰丸 治男婦咳嗽 氣喘痰多 肺癆吐血 傷風感冒 喉痛失音 諸症服之立見奇效
健脾開胃丸 治男婦脾虛 飲食無味 消化不良 腹脹泄瀉 婦女經閉 諸症服之立見奇效
補腦強身丸 治男婦腦虛 精神萎靡 健忘失眠 頭暈目眩 諸症服之立見奇效
跌打損傷丸 治男婦跌打 損傷腫痛 瘀血凝滯 筋骨疼痛 諸症服之立見奇效
婦女調經丸 治婦女月經 不調赤白帶下 經閉不調 產後諸症 諸症服之立見奇效
小兒疳積丸 治小兒疳積 肚大青筋 飲食不進 消化不良 諸症服之立見奇效
以上各丸 均係本堂秘製 功效如神 凡有患此等症者 請到本堂購買 必能藥到病除 萬勿失此良機 此佈

同胞注意
敬告各埠昆仲與及各梓里知悉啓者今有曾錫係新寧人此人專引西差為鬼為賊無端捏造陷害同胞數見不少試觀其平素之行為可想見其人在底市卡笠倫西女之靴逃至本埠又偷鄭美之猪倘不知畏法又捏造案危害同胞通差拘人膽敢到堂作証以致官判罰款數百元聞埠梓里抱此不平移上大葛至期審訊但自知無理不敢到堂現已逃去無踪然累及梓里與本堂用去之款必必要向他補同如各埠僑胞知其下落敢煩付音通知本堂有自對待之策現此等敗類以陷害同胞為事各埠梓里切不可容留致貽後患可也此佈
民國四年正月廿八 致公堂啓